



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Contra carnalia tentamenta. 6

[urn:nbn:de:hbz:466:1-45790](#)

X58 SERMONES AD FRATRES.

3. Reg. 12.

3. Reg. 12.
3. Reg. 11.
& 16.

Matth. 20.

quandoque cecidit. Pro qua enormitate criminis, aduersa illi multiplicia suscitauit omnipotens Deus, iuste puniens hoc grande facinus, ad terrorem cuiuslibet prævaricatoris. Sapientissimi quoq; Salomonis lapsus profundius intueamur, ampliusq; diuinum metuamus iudicium, quod talis ac tantus vir (de quo legitur, quod Dominus dilexit eum, & appellatus sit amabilis Domini, & quia fecit illum excelsum præ omnibus regibus Israel) ad hanc corruit mentis insaniam, ut idola adoraret, quia mulieres euertunt sensum eius. Quis igitur non pertimescat de se, etiam si fuerit iam castus & sanctus in operibus suis, audiens viros tam fortes & illustres cecidisse? Idcirco nemo se fiducia non bona erigat, quamdiu cum grauat corruptibilis huius vitæ incertitudo; sed tanto magis se humiliet & deprimat, quia qualis illum tentatio apprehendere possit, ignorat; & quis eius finis fit, prescire non valeret. Multi enim sunt vocati: pauci vero electi. A dhibenda est ergo cantio magna, pro perseverantia & custodia castitatis, ne umquam calido tentatori, foris aut intus, pateat vel minimus accessus.

8. Nullus tamen quamvis imbecillis frangatur laboribus aliquibus, aut temptationibus perturbetur, sed meminerit, quod tanto illi erit corona preciosior, quanto fuerit in resistendo conflictus maior. Neque videri posset, cur castitatis victoria haberetur meritis maior, & laude sanctorum insignior, si non grauioribus ac tantis probaretur temptationum incursum. Letificare ergo nos debet, illa beatissima felicitatis æternæ recompensio: & erigere ad laborem certaminis, spes coronæ immarcessibilis; qua laureatae letantur sanctorum animæ cum Christo sine fine, pro leuissimis laboribus. Ad quam nos exules perducere dignetur Iesus Christus, spes & corona sanctorum omnium, qui cum Patre & Spiritu sancto regnat Deus, per omnia sæcula sæculorum. Amen.

SERMO VI.

Contra carnalia tentamenta.

1. D E re quidem necessaria & utili saepius tractare, nec superfluum putari debet, nec infructuosum. Quid ita necessarij, quid tamen utile saluti omnium, sicut mortiferis mederi passionibus animarum? Nil itaque sic morbidum, sic contagiosum inuenitur in homine; sicuti concupiscentia carnalis & indomita libido, quæ totam corruptit anima pulchritudinem. Supra namque pauca de laudibus castitatis egimus; deinde subsequenti sermone de eius obseruatione nonnulla remedia protulimus: restat ergo nunc adhibere aliquod salutiferum cauterium; ut qui neque decore



decore neque amore trahuntur castitatis, vel terribili metu gehennæ terreantur ab æstu libidinis. Diuersis diuersa conueniunt, & non omnes uno ordine imbuendi sunt.

2. Aduerte igitur detestabilis assensor libidinis: Proferam contra bestiam vitam tuam, cælum & terram: inducam indices damnationis tuæ, Angelos & Archangelos; dabo testes verissimos concremationis tuæ, vniuersum cœtum sanctorum. Nouissimè ipse creator & rector omnium seculorum, sententiam infert incommutabilem: & armabitur vniuersitas creature, in ultiorum pessimæ turpidinibz tuæ. Sed & ipsi maligni & teterimi spiritus, incentores & fautores tui, rugient super te, & cruciabunt carnes tuas ignitis fuscinalis suis; & parabunt focum sulphure & pice plenum animæ tuæ, qui in æternum non extinguetur. Reculabunt cæli iniquitatem tuam, quia cum illi legem naturæ, qui sine sensu sunt, numquam amiserint; te, qui legem Dei transgressus es, & preciosam imaginem eius maculasti, iudicabunt, & suis coniungi habitaculis nequaquam patientur. Itaque cælo indignus eris, immundissime peccator. Clamabit etiam aduersus te terra, inter alia elementa humillima, quia cum illa fructum suum reddere mortalibus consueverit, tu carni obediendo factus es indignior terra; vt pote, qui foetorem libidinis sectatus es, pro sanitatem. Non ergo te terra suscipiet, nisi ad operiendum miserabile corpus tuum; eritque cibus verium, donec in nouissima tuba tremefacta illud ejiciat, ut in inferno submergatur cum anima tua. Ibi erit habitatio tua, & clauderis velut in puteo bullienti, à quo nulla erit redemptio. Ibi cruciaberis die ac nocte pro delectationibus tuis; & nemo tibi propitiabitur, quia corrupisti corpus tuum, & confudisti animam tuam. Gloriosos amicos Dei & luminaria cælorum, angelos videlicet & archangelos, erubescere fecisti. Quia cum illi præcipuo puritatis candore fulgescant, tu omni tabe feculentior, turpissima facie denigrata, longè ab eorum aspectibus detraheris: & flammigeris dæmonum fornaculis sociaberis, quorum facies super nigredinem carbonum & fauces insatiabiles, & oculi proterui & horribiles nimis. Propter indomabilem libidinem tuam & abominabilem concupiscentiam, quam voluisti ad tempus exercere, cogeris sine tempore infernalia tormenta pati. Nam ignis infernalis ardebit in amatores libidinis; ita ut neque mare, neque omnis aquarum abundantia illamflammam sufficiant extinguere. Quapropter exhorresce peccata carnalia, si vis æterna euadere incendia. Noli perdere preciosam animam tuam, quam Christus redemit sanguine suo. Noli contristare Angelos sanctos, & Deum inhonorare. Metue Dominum, & carnem tuam ne ita dilex-

Impudi-
cum om-
nia dam-
nant.

160 SERMONES AD FRATRES.

Rom. 8.

dilexeris, ut pro illa perpetuam damnationem incurras. Si enim secundum carnem vixeritis, moriemini: Si autem spiritu facta carnis mortificaueritis, viuetis. O quam citò transit delectatio, & quam longa instabit cruciatio! O quam citò pœnitentia stulte egisse, quam grauis remorsus erit pro scelere.

3. Eia, quantum lætabuntur, qui non consenserunt operibus nequam? Quanta etiam fiducia expectabunt iudicij diem, qui non inquinauerunt vestimenta sua! Tunc stabunt iusti, qui pie, sobrie, casteque vixerunt, in magna constantia aduersus dæmones: qui tunc eos tentabant, & ad opera nefaria instigabant; & aduersus omnes, qui eis occasionses criminū præstruebant. Tunc item stabunt ad finistram iniusti, adulteri, incestuosi, incontinentes, qui deliciis & comedationibus vacabant: atque præ nimia confusione contremiscent à facie iudicis coeli & terræ, ab auditione illa seuerissima: *Ite maledicti in ignem aeternum, qui paratus est diabolo & angelis eius.* Tunc eiulabunt, & clamabunt: Vix, quid unquam egimus? Ut quid nosipos in tam breui momento perdidimus? Ah ah, damnati sumus. Hen, quod unquam nati fuimus. Tardè, tardè iam pœnitimus, frustra est clamor & dolor noster: quia sine mutatione manebit sententia, quam acceptimas. Nulla suffragia Sanctorum, nulla nos valebunt adiuuare beneficia amicorum. Ecce aeterna nocti & perpetuae obliuioni traditi sumus.

4. Speculamini igitur vos, ô filij hominum, in dominatorum pœnis & opprobriis, ne forte veniat repentina mors, & calamitas inferni vos opprimat, & non sit qui liberet. Conuertimini & agite pœnitentiam, qui cum morte fœdus inistis. State innocentes, & pugnate iuuenes contra libidines; ne dederitis membra vestra arma iniquitatis peccato, quia peccatum cum consummatum fuerit, generat morte. Aeternum ignem cogitate, & de coribus vestris concupiscentia ignem exufflate. Quis ex vobis habitare poterit cum igne deuorante? Præmia sanctorum considerate, & aeternam gloriam perdere pro immunda delectatione despicate. Sensus & oculos vestros ab impudico visu claudite, & Deum gemitibus exorate; ut vos intactos custodiat, & perseuerare usque in finem laudabiliter concedat, Amen.

SERMO VII.

De dono solitudinis, exemplo Christi & sanctorum Patrum.

¶ Fons & origo profectus spiritualis, est libenter in cella refidere, & in solitudine sub silentio se tegere, ut possit Dei seruus seculo mori, & Christo tantum viuere; & cum Apostolo dicere:

Rom. 6.
Iacob. 1.

Isaia 33.